

淵雅堂全集

淵雅堂編年詩藁卷十五

長洲王芑孫念豐

戊午

祝芷塘山長

德麟

枉示所著說親樓詩集屬爲點

勘奉東二首

自覺清詩賞會孤
殺青垂了更躊躇
蕭蕭葉脫三湘曲
正正旗開八敝圖
數輩同參辟支果
茲編直起小長蘆
東南老宿今誰健
大雅輪須隻手扶

泠然虛響叩疎絃
陶杜蘇閒契別傳
賸有傷心還我輩
難將渺致語羣賢
液從幾鍊香成蜜
丹到重燒玉化煙

此際操琴臨大海不知何處覓田連

芷塘屬題查初白葆光居牡丹詩箋并手牘冊子
四首

漚波舫裏牡丹初憔悴渾如病齒餘

余齋前牡丹數株
病弱幾不成花

恰向此時看此帖令人神往葆光居

門風忠孝照瀛涯臨難詩傳故墨斜

時并出其五世從
祖開美先生淵臨

難手帖見示葆光居
卽淵所絕命處也

二百年來舊居第尺三花下好人

家

牡丹明萬曆年中物祝氏世守之初
白箋詩有尺三花面大於盤之語

扇書疎澹蝕銀箋詩老詩成又百年小牘封封都好在

一時裴界到花前

主人廿載宦京師此地攜家歸亦遲一笑負花渾似我
花時只看看花詩

春蘭禁體同呂叔訥訓導

星垣作

天與性幽獨湘江寒至今吾生久空谷于爾識春心貞
士卧茅屋美人鳴玉琴誰傳白雪唱懷袖亦悒悒

奉酬小峴揚州道中見懷之作兼寄李石農觀察
鑾宣時石農當出備兵溫處

兩年三約不得見枉費幾度空中書官階下上判閒劇
同此牽綴心煩紆君朝京師還所部守令負弩供前驅
我居學舍龜縮殼甕蠶喫盡愁妻孥懷人詩就未及寫

惠我先寄詞瓊琚君雖虛約泛東卯

余出京時君有書云今年君訪我於

西子湖頭明年我訪君於五茸城下

我已飛夢遊西湖明年計吏告期會

竟思衰發謀券驢此中得失豈所論聊復藉脫樊籠拘
寶雲山前天欲雪準備飲我醫寒魚故人況有靜樂李
亦來渡浙分旄旗倘然天幸適相值頗有贈處相踟躕
此緣得果信奇事一醉直可傾千壺

朝廷置材隨大小窮達偶遇皆區區遭時

泰平用黼黻小臣只願歌唐虞朝陽方升鳳皇出清霜
欲下鵬鷃須不材天許爲散木二君努力從當塗豫章
拔地有直幹切莫隨世相胡盧

附原作

無錫秦瀛小峴

上年臘月歲云徂扁舟我別西子湖王郎咫尺不得
見淡烟寒日迷姑蘇今年過歸自京洛柳花三月飛
滿塗揚舲將次廣陵郭不日又過吳王郢王郎官壓
百僚底懷抱未免多鬱紆吾輩本非食肉相丈夫定
有封侯顱我年已衰爾未老腰間寶玦懸珊瑚遭時
未偶且夔屈打頭有屋譚黃虞江南趣此好風日枇
杷正熟櫻吐朱五茸城邊啟窻牖橫雲山色明雙矚
開樽絕勝俗客對紅魚綠酒攜妻孥墨琴弄墨爾高
唱此樂頗覺人間無我詩寄爾爾然否開械一笑應

軒渠

養竹圖詩爲錢立羣泳作

種松壽千歲化爲琥珀光種橘利千戶坐與侯封當不
如養吾竹全家享清涼此君有子孫與我同久長好風
不須招灑然自登堂隱君不可見遺蔭留簣簞孫龍久
挺出筆法如中郎一別五六年顏鬢移星霜累書問平
安消息遠莫將定知春雷過怒萌已抽牆森森脫襦襦
个个鏘琳琅放教干霄去好戰風雨蒼

鄭芥園淦求生挽詩

元亮有自祭司空作生曠所以謂之達能除煩惱障憑

生從去來順化泯得喪肯將鬼大小與世供譽謗紛紛
生挽詩不知義誰創挽爲勞者歌例等春有相略寄哀
逝心稱美異銘狀近人習虛詫旣死好爲妄生平無一
善褒寵要依樣所求或者辭聊責券必償求者意浮夸
與者筆冗長本無傳世心笑煞點鬼帳死而遭此厄九
原足恚快何況更求之而又身無恙往時隨園叟喜新
示跌宕余謝弗能爲此叟習懣脹吾友洪稚存大筆快
雄放數上聲其所宜死詛之早屬續君今復求詩弗報且
缺望如君髯絕倫交友洞肺腑馮公缺三彈阮生屐幾
緇一別十四年猶然昔豪蕩外扶強健身內養光明藏

人苦生有涯君苦壽無量所怕彭聃期又駕轅伏上樹
櫟雖成圍欲斲愁彼匠而我四十餘齒豁增衰況生天
靈運先此事余亦儻君殆慮其然預令擬驪唱不然吾
後死銘狀孰與讓及余在人間瘦詩驅墨漲姓名載集
中結案有憑仗取質去聲凌弱邦要盟迫愚將媿余詩拙
劣僅充覆瓿譬寄紙久失之易箋手寫上吾言世當存
勿謂近謔浪知君讀至此掀髯一軒暢裴詩挂之壁靜
對坐相向却挂三十年煩君換裴演

累日待稚存不至得書知己由上海逕歸矣有詩
見懷賦此奉答

我釣松江鱸苦厭松江潮潮生潮落皆有候客來客去
隨所遭一昨封書向君寄聞君醉倒生公寺醉起須爲
泛泖遊留書不遣需君至早潮黃黃夜潮白不見乘潮
挂帆客中塗留句說相思惆悵江雲幾重隔洪厓已破
仙人關却從鯨背呼青蓮遠慮潛虬伏幽壑近悲病顙
垂殘涎欲來不來自厓反省我荒廚酒頻暖後期重訂
待何時雪下山陰權非遠

附
來詩

陽湖
洪亮吉 稚存

我乘松江潮欲泊松江郭
帶人連日酒酒醒潮已落
仙人海上忽見招要看六月飛寒濤
搜巖剔壑豈無

意窟穴恐有潛蛟逃

時正勦捕洋匪

閒中賓從閒臺榭難得

羣公政多暇溪南笑指白雲生我有故人廬此下

趙鑑堂太守

宜喜

集試松江七邑之士拔其尤者

宴餞賓興諸生賦詩紀事亦作五言四首書其冊

重華履初祚鄉書獻賢能

詔恩徧行省取解名數增良秋告期會多士行擔簦先

時下府帖故事稽賓興校讐從課試茂異加寵矜無雙

士誰擅拔十古所稱同考既聖俞

以三縣尹校文皆當爲房考者

主司

必廬陵士爭自磨濯私揣才未勝遽然邀品目不啻龍

門登便如金花帖破夢來曹騰他時科名錄佳話併可

徵一勝奚足云講藝喜有憑

士囂吏武健吏賢治淳簡溫溫賢太守鎮物以廉善三
年海東陬嘉德薰閭版時從退食餘課士手一卷釐別
示精嚴風厲兼褒勉還期鳳羽翹先爲鹿鳴餞料量問
孤寒借潤及偃蹇庶幾文字祥在此知言選日者屢占
雲步禱憫農畎沛哉時雨化快雨先到眼愛士更勤民
穀玉觀豐產諸生何武流樂職詩可展

累朝科目書傳者今有二信國暨考亭登名榜簞異輝
然古賢達後先均職志下第彼劉蕡追稱書諫議得失
非所論遑暇區等次紛紛一閱間此外正有事松江在

東南爲古由拳地氣節與文章茶墨爛標幟諸生蹈前
修奮起儻有意欲副太守期掇科諒如寄欲酬太守心
登科未爲至郡治如吳公秀才孰賈誼

郡齋宴文士流詠自左司湖亭餞鄉舉歐陽詹有辭公
如趙清獻琴鶴載風儀諸生幸努力毋徒感恩私願讀
有用書出而報

昌時利鈍皆偶然自信則有之何絲貫窮達以報知者
知校官老場屋十上良可嗤譬諸支離疏攘臂談兵師
上賴太守賢激勸有所施下期諸生厚亦免譴訶隨弗
慚導隸穉紀事爲此詩

爲人題中流自在圖二首

芙蓉欲采涉江愁
淺水蘆花却自由
我亦石尤風裏客
幾番停櫂向中流

眞源更在昆侖外
彼岸須尋耨達邊
未必中流堪久戀
一帆秋健曉風前

將爲揚州之遊自嘲寄曾賓谷運使

煥

魏春松太

守

成憲

吳穀人侍讀

錫麒

茫茫天壤此一身
有官無官皆累人
醉中欲上長安道
去無僕馬居無薪
生平所仗友朋力
運使與我尤情親
一江天遠勞問訊
三年不見胷轉輪
比聞魏八亦出守

平山風月方清新豬肝相溷倘不厭蠶繭自縛誠何因
作詩自嘲兼寫寄準備惡客來吐茵草廬先生課讀暇
悉召奇士陪王珉

舟阻常州

毘陵驛外萬檣烏歷亂爭先暮塞湖我慣讓人甘退舍
卿如得意莫當塗泥乾誰借波三尺霜落初聞雁一呼
負此好風帆腳下昏燈留照夜心孤

舍舟卽陸

小舫連朝艤輕輿半路求岸聲聞打鴨店火認奔牛野
戍翻依寺村更不記籌趲程聊一快三日到揚州

與穀人夜飲題襟館因贈賓谷二首

一別三年日太長消寒重此占壺觴素交入坐何須讓

謂穀人不肯坐余上

生客知名不待詳

坐客不相識者每舉其姓余輒意得之

人物

東南參鮑謝文章駢儷出盧楊平山煙月家家好詩到

題襟始勝塲

連朝積霧極霏微定有瓊花欲上衣思雪望雲君在抱

門茶說餅客如歸竹真似我何其悴魚解親人莫太肥

一笑拈籌頻錯誤令嚴百罰苦難依

題襟館同課思雪用東坡祈雪霧豬泉詩韻

侏儒得飽易果腹廣文有例飯不足無聊自讀汜勝書

天如雨粟鬼不哭今年暄冷太非時真頃炎融互持軸
我官瀕海學田荒客厨無肉拌煮菽稍喜秋霖猶應禱
木棉梢黃稻梢綠比當冬令澤乾源夜潮空上不滿瀆
渡江來酌中冷泉谿衍洞壑窺龍淵江痕消縮洲渚露
塔鈴亂語東風顛河渠未塞軍芻亟貨河邊問枯魚泣
豆牙雖短麥苗齊快哉一雪猶可及誰能蓬島借瓊塵
尺厚平鋪壓坏蟄詰朝我欲挂帆歸先看寒江釣簑笠
賣劍買牛牛勿疲明年飯白滑抄匙

附
同作

南城曾
燠寶谷

我自不耕徒穀腹眼前耕者食誰足又無霖雨能雨

人雲漢之詩聊代哭江淮今歲夏徂秋軋軋水車不停軸幾令魚困乞升斗頗厭牛閒耗芻菽幸哉一雨纔翻犁稍見西疇麥苗綠冬來何復行夏令日夕火雲照江濱往時蜀貨如流泉輓粟飛下千重淵近者干戈常阻絕巴人漢女飢欲顛江東米價愁增急大戶金多抱金泣轉饒王師且未已此時無雪嗟何及南風三日勢轉煩似欲轟然激雷蜚朝看鞍馬已出雲暮見元駒羣戴笠更願蜀中兵勿疲三秦鎖鑰牢封匙

與穀人曉飲春松郡齋因贈春松二首

魚鹽饒樂四方衝大好江山領郡雄剖竹於今逢魏尚

團花在昔禁蘇公楊俗瓶花皆全樹自根截之瓶不能

坐樹底肩背左右無非花者然人無書味方諧俗官有

丰裁致不同已向諸生覩何武謂黃解元承吉分傳題目頌觀

風

此飲難爲仲孺辭時穀人有服寥寥海內幾心期何妨夜話

聯晨話況是新知儼故知謂劉七觀察大懿觀察蘭枯

樹書留中令卷方出同鄉故諸學士春池夢斷惠連詩

時春松無聊我欲長安去先報何郎辦酒貲觀察即日

失弟寄聲蘭士而不及作書

題賓谷賞雨茅屋圖卷

羅胷厦萬間蓋頭茅一把使君真英雄氣量空天下山
雲故無心暫出潤原野因風化爲雨適意快瀟灑欲買
玉壺春與之共傾寫此時賞雨心或慮識者寡但取畫
圖看趣尚亦高雅

與賓谷春松夜飲穀人講院因贈穀人一首

先生精治饌亦如治文章餽飭去糟粕甘鮮發馨香獨
取五氣和醞釀成天漿昔者居春明厭飫經屢嘗至今
尚流涎口角迴味長臨別贈余文羨我官鱸鄉昨君訪
余來鱸魚未登筐留君不肯住對客爲急裝今余訪君

至煩君具壺觴招邀遍羣彥一一才超驥丹砂與玉札
收拾歸藥囊況有兩故人分擁符節光追暇相追從倡
和如宮商嗟余久孤另封書憑夜航及此共燈燭不醉
喜亦狂君年逾五十我亦四十強此日豈易得此樂不
可忘朗詠頻弁詩雨雪今方將

題襟館同課海棠木瓜三十韻

海棠豔無香闕陷留造物巧匠斲其機慰此千古缺竟
將西蜀花幻作南陵實春暖媽紅飛秋深硬黃撥肯緣
顏婢嬌少變膚密栗栽接既有方澆灌要如律儼若寄
生桑不等逾淮橘稍苦生之難尤虞枝漸泄護視日再

三採獻歲六七此法傳京師厥貢陳

帝室往從近侍遊曾見新

賜出有如鵲卵圓細僅龍眼將與大無差殊略校露凹
凸莫言小軀殼其馥轉酷烈團聚萬斛馨奔注逕寸結
顆分金彈丸芬散玉霏屑晨熏蒸靈芸活色劣脫褐第
看膩侵肌已信香透骨歸併花精神頓證果超越疎梅
薄雪間瓦盎銅鼎列沁心到眠中悅魄當酒末欲伸搓
橙手妄舐嘗茶舌吾雖去京久至今佩芳潔偶從使君
飲因話備傳說未能著於錄苦乏箋疏筆君有驚人詩
例與子固別人間所遺憾一一快披豁苞苴禮不行世

智慨鑽核如君念永好木强我奚述聊續嵇含書以佐
齊民術

再集題襟館主人出所藏元明人書畫分詠拈得
戴文進五柳高士圖

學官難爲何況縣手版逢迎腰腳倦人人熟讀歸來辭
共將五柳先生羨先生亦是宰官身在官五月曾無戀
有田種秫巾漉酒還讀我書歲非宴白衣黃菊從古懽
稚子孺人足深眷年年繞屋樹扶疎坐聽柳外鳴禽變
文進爲圖筆有神水墨櫛慘更葱蒨卻怪先生在爾時
求官何易去何便令秩雖卑項自强督郵猶許折腰見

於今能吏孰軒眉暫遇廬兒亦低面欲留不可去未能
官負金錢數千萬簿書鞅掌日無餘偷喚紅裙夜開讌
我今題畫作此詩並書五柳先生傳

題蔣蔣山茂才

徵蔚

雨窓讀史圖

去鄉十餘年少秀都不識卻來揚州城覩此一奇特神
仙骨自青瘦削面差白乍當陸機年屢蠟阮生屐數公
咸倒屣上客方岸幘顧云思我久驟見如夙昔無奈耳
酷齏一語肩百拍對譚苦迷悶手語通點畫示我所爲
詩大有唐賢格纏綿託微辭適峭出生力時從新句法
逗露古膏澤兼聞熟史例尤喜疏經籍刊訛削衆紛援

證驚創獲閉門據藜牀終歲坐弗易卽今畫圖中風雨
想漂麥讀書良自佳願勿讀之蹟今人惟考據先儒克
由釋考據騁虛能由釋味實得誠期悅諸心焉用抵彼
隙篤志謝浮華博觀待精擇旁羅千萬言略取二三策
爲文要深醇如律戒刻覈不佞抱空疎孤行第憑臆並
世多賢豪同異聽指摘震旦利聞根真言亂重譯頗怪
周孔書亦復因箋釋人人口懸河散泄了莫極君今直
不聽此竇快已塞窅然太音希反聽滿大宅猶防額生
癢須識踵有息知君讀史心所貴非耳食

自揚州歸興行至瓜洲宿

頗厭舟行滯肩輿曉趣衰江痕橫界白山色近看黃僕
指前途飯人寒昨夜霜農家多閉戶戶戶自舂糧

題胥燕亭大令

繩武

楚頌圖三首

欲住善卷下翻來震澤淵洞庭霜信早先唱橘枝詞
奉帖但題百顆買奴何待千頭汝願昔人空結斯緣今
日須酬

身外無官腰腳便猶堪村背跨烏犍溪山好處皆陽羨
只少沿溪幾稜田

臘八日自華亭入京留別家蠡臺

勸

張雪舫

昌運

唐陶山

仲冕

三大令二首

泖濱吹簫過三年西笑重思向日邊鼠腊空持懷裏璞
裹蹠爭助橐中錢初來君亦疑劉渙欲去人知惜鄭虔
珍重臨歧頻泥飲酒波鱗疊燭花圓

郊西祖道悵斜曛令尹吾家治有聞誤謂張融偏愛弟
相傳唐勒喜爲文官當去任如殘客我尚留家累數君
入坐更邀陳正字故人遠送太殷勤

時古華送余入
郡亦在坐中

陳古華太守

廷慶

送余至青浦遂偕過三泖漁莊

與述菴侍郎石愚上人小飲而別三首

我行自敦迫有書止君來君來一何速帆腳當風開入
城旣相見臨發共銜杯殷勤更追送聯舟泖西隈君今

卧林壑吾轉驅風埃豈惟索居感兼恐年矢催留拏煩料理送抱無疑猜

侍郎老爲漁念我將遠行此行當往別聊枉半日程入門權一笑褻裘論風生倉卒呼厨孃具飯盤飭精步履經後園惜此水竹清著書粗削藁梓版苦未成祝公但嘉健吾歸助刊評

上人不住院而借書庫居

石愚方假寓侍郎塾南書庫

參禪並念佛

徧讀八乘書韓白數家文翻水熟其餘年纔逾弱冠長齋供清蔬此如穎沙彌巉聳傾髯蘇邂逅遽當別相將過其廬法門誠有緣他日當記余

臘月十三日爲

嘉福

除服之期送亡弟聽夫神主

入祠而世襲雲騎尉

勅書適至

特敕昭勲爵孤兒列羽林遺衣歸戰血除服感亡琴魂
逐胥濤壯兵連蜀棧深汝曹能長大報

國豈無心

十五日風雪辭家

一婦黃蘗久雙親白髮長故鄉居索莫貧宦事淒涼身
世從江海關河又雪霜孤舟中夜發腰下劍流芒

雨阻常州過稚存飯

君前訪我未克至我昨訪君仍不值人生一別動參商
今朝風雨登君堂城東圖裏吾題句今來始識城東路
小橋流水門巷清門外泥金煥題名有子能文取鄉解
有飯留賓悅情話比歲如君真福人我猶偕計隨車塵
淵如適歸葬母冒雨往唁淵如而別

黃流滔滔幾時塞聞君鬚白講清湘

盛朝雖欲獎廉勤大吏從來憂戇直三年版築選爾勞
一夕封章解其職却緣解職得依親侍藥奉終在親側
素車丹旆自東來路祭貧民語悽惻好官如此只空歸
負得官錢餘萬億我居瀕海意君歸消息難真久纏臆

今來會葬非所期中路相遭亦奇極聊從執紼助虞歌

未暇探書問新刻

聞淵如近刻元和郡縣志諸書

語時刺刺別念念風

雨漫天路南北

至揚州阻凍遂留度歲辭穀入召飲

層冰峩峩塞江津孤舟膠凍愁向晨舍舟易輿路艱辛
一僕墮河寒燎薪先生慰勞情欸真以酒沃我酒亦醇
旅懷瑣瑣歲籥新小留度歲依故人當塗閉閤憂錢緡
稱病不見空逡巡先生與我同一貧屢煩治具羅羞珍
吾茲假館從鄉親暖湯濯足聊便身連朝樓雪如融銀
頗憚滑澁逾城闔作詩辭謝良有因先生自倒接羅巾

小子不出車埋輪我我周旋各爲賓共賣癡猷謝貪腹
一醉萬壑俱迴春

洲雅堂編年詩藁卷十五

淵雅堂編年詩藁卷十六

長洲王芭孫念豐

己未

元日揚州作

故人符節照江垞阻凍扁舟此暫停
華旭迎歸郊外仗春風吹度閭邊鈴
淮陽米賤占冬雪秦蜀兵銷祝歲星
天畔絳雲頻倚望誰持三策對

彤廷

正月五日抵邵伯埭寄賓谷

啓歲忽五日春風催我行言登邵伯埭
已去揚州城久

客方自厭故人何限情
券驢今有具相見又春明
時賓谷亦當入京

阜城道中

縞素驚心道路間
恭聞

遺詔昨先頒
極天雨雪連三日
動地風雷下九關
伯絲

果從虞代死
匡衡宜嚮漢朝還
小臣灑涕瞻

雙闕曾綴金門獻賦班

送伊墨卿秉綬出守惠州

我行三千里來送人作郡
念君久爲郎可喜尚青鬢乍

持龍節還
去年典試湖北熊幡又發輒水驛便迎親
好風帆腳

迅惠州天南陬東坡昔遷擯坐覺勝東坡煌煌肘懸印
人生快遭逢如此亦已僅況當凶族誅

聖人起承運清霜殺蕪莽萬蟄醒雷震郡守古諸侯典
領職嚴峻生平所蘊積至是可一奮勢途習員美官場
戀肥潤上下相蔽虧唯阿遞將順太守處其間婉轉作
承儼欲樹金剛幢誤圍紅粉陣自笑胡盧提無奈困蒙
吝此官昔羊腸今君試牛刃饗鼎勿姑留蔀屋要親問
莫憚力精勤自省意詳慎

朝廷正需才坦坦到方鎮故人老卑官貧劣久安分此
別渺天涯所期崇令聞無煩鶴俸分但寄梅花信

題伊雲林光祿

朝棟

左手寫經圖

譯經爲傳心初機受以口震旦利聞根乃復揮之肘几
案驅雲烟揜褒曰右右先生廢其右左顧命厥耦平生
慣持螯亦綰漢官綬此時小煩卿爲我享敝帚未拍洪
厓肩先現堯綿手倒作佞盧文順旋赤極紐孺人笑其
旁倚相讀之久殷禮尚亦宜劉氏祖何有化余入蟲臂
不見有可否低徊橐駝傳消息佁僂叟如來金色臂觀
之一舉首湧生腳底蓮忘去肘邊柳轉覺右將軍枝指
并駢拇吾自無成虧世緣泯奇偶試從母陀羅問法共
參剖八萬又四千神通奚似某

題時帆祭酒

法式善

篁石圖

古石峭三面新篁綠一家人隨雲縹緲逕折月了爰供
客桃花飯分僧穀雨茶賣文知不免鰕菜足西涯

時帆又出船山所畫續西涯十二詩意冊并題

船山初學畫潑墨快乘酒醉中時過我裂紙到牕牖不
意別三年筆勢進之陡此作西涯圖何如石田叟並聞
酒德增益見詩力厚惟我轉衰殘却似西涯柳

時帆以嘉慶三年六月九日集飲諸君子積水潭
作西涯生日繪圖賦詩後一年余至京師屬題其
後

古而無死誠有之世與歐蘇作生日歐蘇以後幾能文
天付長沙好仙筆休論相業作嘲譏樂府篇篇意獨出
宰相無家世系亡左徒有宅憑傳述空留名姓在人間
占此涯邊綠千笏西涯積水浸樓臺午風潭上荷花發
荷花生日日廿四公比荷花先半月懷麓難尋奉禮廳
詩龕近築詩人室置酒邀公共一觴會上賓朋各真率
我來雖後不及期想見諸君意超逸聞君兼欲樹遺碑
亂冢堆烟補殘闕文人萬輩一蒼涼自與吾儕寄生沒
卽今潭水已流春墓上桃開紅可折攜壺藉草意何如
客有驢鳴善作達

題詩龕移竹圖

昔我來詩龕正及移竹春今我來詩龕竹已長于人生
孫高出屋吹香到西鄰摩挲去來今恍然夢中身與君
別三年家事各細詢叱嗟幸無恙相慰風雨晨君雖齒
搖動句律殊有神訝我酒量加知吾意悲辛兒女遞出
拜僮僕相依因宿宿復信信娛我書畫陳此圖偶託趣
卷尾詩尤真百年皆過客遺音感湘濱共領歲寒心蕭
疎轉情親所愁期會罷門外催歸輪我歸修竹鄉燒筍
費竈薪亦有居竹記子昂留翠珉所惜陷壁久搗墨殘
鉤銀他時當拓寄以作龕中賓

華亭學舍有松雪爲華
亭修竹鄉人曹氏所書

居竹記刻
石陷壁

題胡孝廉稷夢湘圖二首

枉書花片寄朝雲
塵土長安占幾分
不識大羅天遠近
霓裳只許夢中聞

飛瓊濃笑乍相逢
塞路癡雲忽幾重
我在夢中偕說夢
惱人偏打一樓鐘

四月十八日時帆
蘭士稚存船山味
辛邀同家述
菴先生金手山茂才學蓮
謝薌泉侍御振定
話別

國花堂四十韻

雨別三年久雲浮一世孤
重來會京闕此去渺江湖老

大從科舉艱難歷道塗憑誰占進退所嚮動枝梧欣助
煩朋輩辛勤媿僕夫贈金教買爵時諸故人爲余入撥
貲求換職太學
問勸提壺慷慨平生在縱橫意氣俱諸君咸肺腑吾道
豈菰蘆擾擾卑棲處飄飄大海隅撫襟餘涕淚引鏡念
頭顱披豁瞻

新政謳歌遍近都賊中聞縞素馬上掃萑苻賢俊將登
擢奸諛快伏誅煩苛刪格令貢獻斷錙銖昨者開言路
輝然啟

睿圖人人爲鐵漢旦旦叩金鋪康濟逢

英主經綸待衆儒璠璣希世得鵬鶚擊秋需孰不驚雷

奮而甘戴雪枯自嗤身鹵莽無奈識顓愚坦率供嘲誚

冬烘昧走趨清譚夷甫妙新學半山殊已分終溝壑殘

生傍路衢臨歧猶繾綣留訣且須臾勝選經郊墅離筵

借佛厨同朝皆驚驚我輩各鷗鳬有客方青鬢

謂手山茂才

如公况白鬚

謂述菴先生

偕歸尋笠屐差喜足蓴鱸迴睇觚

棱角深持翕闢樞當官休碌碌矢報肯區區願保冰霜

節同將日月扶升沉交屈勉埋沒佇昭蘇第一懲貪墨

當千勵卒徒周詩大常武漢策痛均輸埃壘驅天障脂

膏刮地膚公卿誠稷卨草竊僅穿窬霜色看抽劍星芒

早直弧悉數幽室悃陳作

泰階符憂樂關微賤菟揚敢覬覦時時傳盛美削札到東吳

雲間書院玉蘭一株六月作花沈薇軒侍御

步垣

掌教于是而余爲監院侍御有詩余亦繼作三首
梅花抱冬心破臘香風吹蓮華空熱惱當暑發華姿凡
物有本性各自乘其時玉蘭故春薦何以花于茲具知
清氣味領會南薰思自我冰壺心現此瓊樹枝君爲鄉
先生如古大少師平生白雪操不獨矢諸詩潔華賦歸
養晨葩粲前墀少子若蘭芽英英瑜珥垂靈芝歲三秀
肯爲涼燠移得天誠自別何嘗問時宜

易幹取貞固範福徵蕃廡世占草木祥輒作科第符君
詩用其說意亦宵雅餘雖然雲間郡海上一大都巍巍
諸先達樹立固有殊及茲遽衰替大雅輪誰扶抗顏對
翹秀媿在君與余科名果何物下士能取諸相期各努
力培養從根株皦皦同此花照世爲璫璵素履不可緇
纖縞登王除不然木再實誠之自古儒

亭亭此孤高吾來已三華今年從計吏不見春敷莠役
還此稅駕玉苗報重芽得之非意想猶如曩殊沙書院
在今時所以優懸車如宋領祠祿士夫託耕畝提點及
管勾相與如一家校官監其事符檄下府衙累辭不獲

命受代須及瓜得君教多士藉免嬰過差矧兼長安舊
彌年隔天涯君誠譽此樹敢不封殖加

改七薌琦畫秋花仕女二首

滿徑踏榼榼留仙寶帶斜花中人獨自影更瘦于花
小草豈無心長遍青苔路一樣海棠花離離被秋露

董琴南茂才國華索賦齋中並頭蘭

寒齋花瑞廿餘年禁體詩成一惘然今日因君好兄弟
雙身感我舊纏絲斷行隻翼人天末玉樹瑤林事眼前
佳話他時徵故實鄭風楚賦補新箋

自采階前薄荷分寄詩龕方雪齋侑之團扇作詩

道意

書成無可將階前滿芳草薄荷根性殊如詩有郊島剪
取風露餘暴成科上稿謂茲余手植馨香登遠道長安
貴燒春卯醉眩頭腦小寄味清涼與君除熱惱團團一
明月新裁出紉縞市工賣余書墨繡及邱嫂閒來爲之
寫夫婦共絕倒

聖人出當天政治日精討士夫正憂勞吾閒豈不好恃
陋無所爲竈間作翁媼一笑計亦得孤妍辭衆媚聊寄
溫波風以扇君懷抱

沈茂才

恕

屬題錢穀四景卽事爲詩系諸其後四

首

西溪探梅

去歲訪梅花因見西溪漁

謂賓谷

今朝看雪片更盼西溪

書

時小峴當有書未至

對畫轉惆悵故人久離居

荷香清夏

泮池潮已落鵝鴨空踐泥曾無君子花負此薰風吹轉

憶遨汗紅

塞簾朝霞時

往在熱河嘗見

避暑山莊遨汗千葉蓮

秋山吟興

昨者登橫雲著屐風雨晨從來愛重九況子飲我醇惜

牙室集卷十六
我不解吟稍殊畫中人
今年九日茂才嘗邀余共登橫雲

冬村農慶

東海不生桑木棉歲登熟及茲慶屢豐三農又多穀吾亦田舍公夜春聞隔屋

答京師故人書系詩其後二首

果否諸君尚憶余余今嫻漫不求餘一家安健身無恙百畝豐穰食有魚挾婦對臨辭世帖課童分寫在官書牆陰樗散原天幸敢向雲霄博美除

海波日夜卷鯨鰲海上將軍坐握刀書度蜀川彌月斷師穿秦棧入雲高漕儲七道重釐弊河復三年屢溢槽

康濟正須公等在封章頻進莫辭勞

庚申

有自粵遊歸者以吳白菴廣文

照

墨竹求題二首

有客敲門粵嶠回琅玕幾個帶將來知君欲寫秋心出
脫葉疎疎墨一堆

我別魚山四五年海濱消息各茫然却從竹裏看題記
也抵平安兩字傳

畫有馮魚山題記

陳古華

廷慶

以故質郡王西園主人桂花畫幀屬

題用卷中韻

故人訪我夜乘潮攜畫來看著句邀河朔舊遊尋夢寐

湘東遺墨感清超銀潢天畔流無影黃雪枝頭點未銷
幾輩應劉無恙在燈窗深話雨蕭蕭

舫齋悶雨忽得蘭士書兼示將漕沛上見懷之作
奉酬二首

春檐撲雨午濛濛濕葦難燒累竈公惡句漫將吟送日
好音忽此墜當風喜聞牙繡君持斧無恙鷗波我繫篷
多少人間商略事緣知已入阜隳中

風吹池水一波波毀譽何分卽墨阿異日倘留輿論在
中年惟覺酒情多舉頭天外隨緣度跂腳花前得意歌
從此收身吾自了羣賢力起挽江河

華亭布衣顧岳以畫山水見贈題之

昔者鐵厓來風流吹簫如桓伊松江士女相酣嬉
傳醉爭爲詩今者鐵夫來奮髯抵几似朱博松江士女
共錯愕却有山人獻邱壑未知兩鐵同不同鐵心縹緲
雲煙中援筆題畫筆掃空墨池飛雨吹橫風

寄題紅蕙山房爲袁太學

延檣

四首

荷鋤樹百晦削札分半叢持問素心人蘭臭同不同
朱萼問雅篇紫莖箋楚唱試將吳氏疏別補嵇含狀
蕙似士大夫此語記山谷借緋亦何嫌墨君句膏馥
蒼蒼竹柏樓歲歲冰雪深朝來紅蕙花光風轉樓陰

辛酉

醉翁吟

有序

六月廿一日賓谷集同人於清讌堂作歐公生日
予方輟詠因課同作

滁山高滁水深醉翁吟處當時寫之以爲醉翁吟醉翁
吟不在琴泠泠所寫翁之心翁心牢落軒天地醉翁住
世無古今迄今化去六百有餘載桑海迷茫幾興廢
月江山興會同文章氣節精靈在登堂謦欬儼如生
圖畫飄飄覩冠佩滁州移命守揚州揚州又見來鄉
輩自古文人命不猶相同惟是一清愁韓公月宿逢
南斗屈

子離騷降孟陬作者淒涼說我辰後來豔羨傳生日黃
泥阪下鶴南飛腰篴人來紫裘逸何況醉翁曾此行吟
地後起同鄉更同志轉運寧殊河北勞風流早向淮南
嗣碧筩筵上祝翁生主人略似翁生平再添冀葉非雌
甲要屈荷花作後庚君年正自及翁年鬢鬚漸欲成班
班賓谷今年四十二正歐公守便襲翁名不須讓收取
揚之歲又以六月廿三日生曼卿子美莫使流落隨人閒元祐高文久軋茁倘從君
手能追還醉翁所到君亦到江南江北何處非滁山

壬戌

潘榕皋農部

奕傳

作小閣子廣一丈高七尺啟其

南以納日景爲避寒偃息之所名之曰蟄室有詩

索和次韻二首

乍可橫肱坐依然抱膝廬窩從康節仿亭是子雲居蝶
夢參元化蟲書想太初收身良有味迴首幾舟車
半櫺花隄日一桁藥鑪煙佛界無遮會僊人小有天乾
坤隨偃仰風月本完全偶有羊求到清譚亦自賢

題陳古華閉門覓句圖

詩人從古住南村君住南橋水竹存瓦屋版扉前後港
疎松怪石二三盆銷魂舊句簾垂地

古華在京師作簾鉤詩有褰迴湘水

波三折卷起揚州月二分之句

寓意新篇鶴在軒

古華近作聘

寓鶴諸篇

只怕書

逋兼酒債閉門不得又開門

爲人題雪屋夜春圖

打門新到運租船雪屋寒春巷火燃我似梁鴻須賃廬
歸田依舊悵無田

陶山遷知海州去吳之日鄉士大夫贈言甚盛余
獨無有前求桃花庵詩又不與今茲相約會於揚
州而余弗待也書來觖甚因寄此詩

部民戀故侯僚友感素知祖道例有言唐塞爲之辭古
人贈處義今人竿牘資孰從疑似間別白中澠淄往序
申江圖此義久發之其義非我創白傅青石詩君今被

薦論治行聞

天墀豈惟遷擢喜日益大所施庶將爲霖手沿海活飢
疲會見諸鹽梟棄械把耕犁暇登景疏樓嘯詠亦自宜
於君無不便所恨惟別離而我遊是間相見仍可期虛
勤諒無補安以蛇足爲那知一麾肘燕羽剛差池書來
殊悵悵詩逋要重追嗟我寧解詩傷心古之遺連年況
輟詠缺望君何其前過桃花庵花藥種繞籬又經橫塘
路真墓畢修治墓前爲一亭甃石方如篴大書唐解元
尚恐陵谷移一石埋冢間一投水中坻此意湛輩覺人
鬼雙涕洟古今幾吹沫賢豪萬枯觔解元在當日孤窮

坐離奇生死竟飄零淚下毘婆尸可憐墓門草東風緣
差差燒紙作清明忽若新死時隨會九原心非君當語
誰欲書君舊續書此筆淋漓哀死既有然惠生從可推
我詩往充數以殿碑去思

眞州院齋坐雨有懷題襟

雨雨風風到此時墮階紅惜海棠枝遙聞旌旆方行部
好爲江山與賦詩官局惱人如惡酒私衙留客似殘棋
飄然一鉢空雲水挂塔隨緣我自嗤

附
和作

南城
曾
煥賓谷

聞道先生習靜時門前掃迹樹低枝登臨興減惟看

畫忠愛情多每詠詩爲我擔頭增重負勞君局外算
枯棊不須更說鷹猜急鴻鵠冥冥早見嗤

再疊前韻寄賓谷

思君不見幾何時聊折梅花與寄枝園吏莫爲藏壑想
坡翁曾困打鐘詩十年已種成陰樹一角猶爭球敗棊
此腹便便容若輩狐疑鵩嚇總堪嗤

得徐閩齋遺詩傷之而作並柬賓谷

古之賢達有不得或逃於酒兼逃禪人生仕宦意百變
比者往往逃九泉君出從軍故奇特幕府上功善殺賊
官階俄擢驟聯翩惡耗驚聞轉淒惻傳來遺墨未分明

訣我并訣曾南城我今正傍南城住南城也欲休官去
吁嗟乎黃金可成白日徂古今志士常羈孤君言再生
我必喜待得君生我將死不如騎鯨汗漫遊醉淩倒景
扶桑州下視碧漢銀河流靈山一笑三千秋

附
遺詩

金匱
徐鏐慶
閩齋

昔聞黃金萬里贖蛾眉今盼白璧千雙救窮士但擬
千字文不歌河滿子使我再生公必喜公必喜我再
生疎財仗義佛心俠骨萬古知公名王鐵夫曾南城
附
同作

南城
曾
燠
賓谷

經年不得君消息一紙傳來君絕筆嗚呼人生至此

極鵬鳥賦鸚鵡洲楚天萬古才人愁知君鬱鬱不得
志君若再生休識字不然寧作地下修文郎人世埋
憂總無地故鄉千里芙蓉湖幽魂儻復歸來乎芙蓉
彫盡湖亦冷湖上而今誰讀書聞君有二雛皆爲不
凡子我與鐵夫當善視延陵寶劍雖可輕徐君墓草
悲風生

李石農書至兼寄雁宕紀游之作

前年汎雪西湖上思君不見心惆悵篋底梅花往充餉
去年修稷平山堂把君書札遙相望幾欲報書無便將
今年竟向眞州卧寄我新詩起頑慳如此詩人今幾個

昨君笠屐觀龍湫寫來滿紙波濤秋詩筆正與山爭道
一事常常爲君惜只有好山無勝客終日獨哦門列戟

題襟館同課魏文帝賦詩臺

半壁江山立馬中居然橫槩有遺風一家詞賦空前後
三國旌旗觀始終銅爵迴頭春草碧瓊華彈指夕陽紅
霸才不敵詩情久鵲自南飛水自東

題吳竹虛履水墨桃花

昔有釋一靈華姜以爲家今有苦茶僧兩鬟鬢堆鴉晚
厨聞戛釜賣畫不肯賒連年斷消息飄蓬尚迷花今年
忽憶我封書付江艤自將金壺汁幻爲赤城霞寄我一

枝春風露妍初芽枝鱗墨數行標題鄭重加對畫却憶
君鴛湖天一涯作詩當遠訊吾老筆楂枒未博海外傳
要足閨中誇持示雙荷葉助發一笑譁

題吳簪山茂才

翔

江上阻風圖二首

席帽隨身二十年秋風幾度過江船借君圖畫留殘夢
此景分明尚眼前

鼇魚洞外幾人家燕子磯邊一逕斜記得當時曾著屐

村村八月石榴花

謂己亥歸舟阻風遊鼇魚洞一帶事其後見吾鄉張瘦銅舍人集中載此

處秋冬見石榴花詫爲遇仙蓋山深氣候不常秋冬花尚未已不爲異事余當時所見亦然故作此以正舍人

誤

題李涪江

秉德

海棠寫生二首

寫生曾奪苑花魂供奉

先朝憶舊恩今日蕭疎空白髮胭脂自買畫家園

蜀道崎嶇井絡邊故鄉迴首上青天花如解語雙淒絕

紅向兵間五六年

涪江本蜀人而僑於吳者

眞州冶山

窮民盜賊本利塗仁義塞區區一餅金彫此壯士色行
過大銅山冶迹見立壁當時卽山鑄老滬富敵國白首
空敗亡錢多守不得慨自宋唐來白金代赤仄橫將銀
鏤貢奪却銅官職君相翫承平綜貨先於食徙陵上高

貨買爵下特勅佞幸快泥沙農賈困熾嗇氣節沮昂藏
黠媮借培克天地入錙銖萬物屈材力士價五殺皮囊
羞智惶惑遂令儒家流日夜治生亟頻年苦兵興轉饑
百千億所恃泉流通未憂區釜糴滇運天南販洋商海
西極物有衰旺乘吏無簞簋飭翻嫌銅綱來恨不銀甕
覩壞爛攪煤埃脆薄怕敲擊私銷積奸豪盜鑄弄符檄
惆悵雙鳧蹠換不兩緡直誰持造化權此際默消息大
地以爲鑪醺師與吹熄九牧篝火紅五岳竈煙黑仙人
銀色界佛地金繩域冶成萬屋錢頒作九府式錢神策
其勲可以安反側雖然貨寶蕃其奈飢寒逼聖治諒無

奇精神付耕織冶材匠成器冶俗間薰德冶情明鏡臺
冶性素絲絨救貧若以錢如火抱薪卽茲山一崕
成屢心惻

錢舜舉楊妃上馬圖

天寶遺聞說泰平年年十月幸華清八坊卅萬飛龍騎
選入天閑備遊戲內家簇仗換宮衣隊隊春風錦繡圍
拳毛高傍奚官立銀泥畫障珠銜繫纓衿剗襪不勝春
扶出唐家第一人宮扇兩行垂紫袖香塵半驛拂紅巾
朝元閣上霓裳舞凝碧池頭還避暑誰道驪山傍輦雲
化爲蜀道淋鈴雨翠華西去幾時歸却遣昭陵石馬嘶

卽今上馬圖中看腸斷鬼陂下馬時

讀吳蘭雪國博

嵩梁

秋懷之作書其後

昌黎聖之狂累作秋懷詩老鶴中夜警疲馬長塗嘶吾
儕本秋士屬詠固其宜君顏若春花詩又奪其姿當時
青鏤管豔發桃李枝心花所怒生不遣春風知年來久
憔悴把鏡瘦通眉可憐標梅嫁窈窕難自持卻歌壯士
行決去幼婦辭幽響激哀玉孤致鳴寡絲么絃急無緒
變徵聲匪怡鮮新出古澹抑塞成離奇五降不容彈悅
魄恒於斯我聞春絢爛凍閉以爲基秋爲歸根始刊落
亦所司領將霜前意渺我物外思誰能落其實索饗就

晚期中聲有所止清廟登噫嘻

和樂蓮裳孝廉釣送秋六首

身世久蕭瑟風霜遂此深美人前度別烈士暮年心鵬
鶚依然健梧桐老不禁佳名負重九何必定連陰
空梁餘燕壘禿樹見鴉棲來去渾如夢榮枯竟莫齊場
禾農事了巷火婦心低何限無衣子裘棉夜自淒
但覺松千尺難留菊一叢從來高隱士亦在盛衰中慘
綠年誰少流紅夢已空小春天自好無奈不東風
餞夏前期在尋秋舊約寒吳江重喚渡東野并辭官落
葉朝朝緊空煙漠漠寬冬心還抱獨梅信一枝看

春光常草草秋去亦無何晚節才華盡離騷哀怨多素
娥非不嫁寒女也投梭橘熟仙基罷旁觀已爛柯
禮琥先朝事牽牛隔歲思黃鍾今欲奏白露昨猶滋冷
與西曹謝暄從北陸移送君珍重意莫怕歲寒時

次韻酬洪桐生太守

梧

見贈十韻

太守歸裝薄中塗卜草堂并無廉石載空帶御鑪香

往事留京輦相逢到蜀岡試塲頻坦率分校辱平量

丙辰

余試禮闈君以分校薦其卷

少小追遊久

庚子同召試君入一等余入二等

從來得

失忘

余在試塲二十餘年不登一第若猶隨俗認所謂薦卷房師不勝其多故一例畫斷無識不識皆所

弗敘君亦清華羨馭歷孤賤老風霜出處天難問蹉跎

歲日陽江湖暫疎放旄節佇輝光累約沾桑落還來叩
竹房新詩雲錦段屬和意蒼茫

癸亥

正月治葬楞伽山中四首

買山爲送死買田爲養生買田雖不就買山幸已成辛
苦窆石資三歲積經營吾力豈及此麥舟故人情三歲
豈不久苟得喪吾貞所貴仁者施艱難自生平聊依先
隴旁更愛山水清度地不盈畝居然亦佳城

晉葬志雪及防墓悲雨甚於古紀其然何必犯日禁冰
凍塞川塗陸行費腳賃負絳痛邪許賓朋阻哀臨斬版

亦垂成苦廬天漏滲所遭動乖違未可議祥祲庶憑忠
厚遺似續被餘蔭勿問青烏家吾嘗薄緯識

世人工治葬土石築精堅欲爲不朽計誰能惜金錢吾
其敢立異規畫聊復然要期封樹存莫如子孫賢馬醫
雖賤貧挂帟在其阡塌井古人骨當時亦牛眠殷勤誠
後人無使犁爲田撫卷并自責吾書傳不傳

生壙制非古賢達故有之吾今葬其婦窟室亦自治青
山愜埋骨死計猶好奇郊臺上方間起伏多屢屢洋洋
石湖水萬頃青琉璃遊蹈所必及刻石沉在茲他時四
方客或有九京思攜酒酌墓門不異平生私

山中對雪

卧雪曾經向此間
夜聞折竹響禪關
而今竹已枯無臘
獨看飛花滿舊山

葬事龕畢小休山房作四首

風雨故縱橫
畚耨未卒事役夫
宜少休倚廬濕無地相
去一牛鳴山房退卽次
因思葬者藏在古未有誌
自從碑版興誌表分義類
其文誠可傳其墓了莫識
亦有志乘存履考輒歧異
慨然後視今豈獨生如寄

族葬旣難期
相望卜其近
阡塗稍廻互
祭掃後可趁
吾弟耐於祖

朝恩卹忠藎他時載圖經國殤定傳信父葬祔之吾傳
否當誰問吾如有可傳縣縣貽令聞豈無禁樵采來賢
想風韻如我不足傳曷異鼠首殉

巍巍陸宣公誤傳墳有二朽骨起衆爭聚訟各修治飄
飄唐伯虎風期感文字封冢樹碑亭後先煩長吏古今
旦暮耳賢達一揮淚清明澆酒人不必皆後嗣多少公
卿家野火燒明器墨翟楊王孫矯枉非無意

平潭水一掬乃在郊臺南督作偶夜渴呼飲汲以甌潑
茗乳花起寒冽更清甘味奪惠山井奚啻勝慙慙此泉
世莫聞其故不可參連擔取爲酒卹民卻能諳墓傍老

人泉蘇氏有舊談吾無蘇公筆銘此諒未堪

題潘榕臯農部

奕雋

虞山秋眺卷

江山自人世笠屐在我輩誤爲塵網櫻動與山靈背却
舍門前山奔車厯恒岱讀君數篇詩虞山入清對導游
潁沙彌結伴范成大破墨寫清秋修眉染蛾黛悵然我
昔遊風雨阻霏晦三日遽回船興盡山陰戴淺尋二十
年勝踐苦弗再君遊好風日亦是福所載何當攜是卷
指點印其概年來百從爛此意勇不退

唐陶山令嗣訓導

鑑

求題萬卷書屋

昔士貴虛中今人喜彪外讀書豈不佳所讀亦分派惟

彼著錄家瑣屑拾殘壤一名數萬言箋釋困拘隘或有
辭章流漁獵騁雄快多算勝少算求益等菜賣誰從疑
似間別白見真界默而好深湛久之溢奇怪炯有載道
心始免翫物誠老夫室懸磬十帙九破敗欲讀苦無書
探囊屢長喟乃公仕而優賒買輒舉債年來大誇詫充
塞徧官廨傳之得其人吾子氣英邁非徒紙筆好能守
清白戒每聞借緹還猶作陳經拜篤志謝紛華寫心託
圖畫蒐羅汗十牛精進覆一簣盡取架上儲收入腹中
曬菁英獻芒角膏馥潤沆瀣一空世曲學無以小成絀
贈言敢謂然勛子庶勿懈

題錢玉魚

東

爲人畫停琴圖

伴我今宵月愁人昨夜風
新寒燈炮後往事水流中
寡鵠自清夜孤鴻來遠空
停琴無限思都付壁間蟲

真州道中

江山兩芒屨身世一扁舟
重過桃花岸平添瓜蔓流
何人真石隱吾道久滄洲
杳杳川塗上孤吟對暮鷗

題畫四首

茅屋開三面松風滿一窗
相從話皇古恐是鹿門龐

松

窗清話

草閣怡臨江滄波渺空濶
誰信隱君家果然無六月

江

深草閣

煙樹冥濛處樓臺隱現中幽人灑西屋小景米南宮

林

阜遠眺

山影晚逾孤溪光清更碧世有羨魚人吾非釣鼇客

清

溪垂釣

熊夢庵儀部

方受

奉其太夫人諱歸葬粵西道經

邗上話舊有作卽次來韻二首

好夢釣天斷復連江湖沉醉送流年諸君一別渾南北

此地相逢各後先

年來日下舊遊如稚存淵如味辛霽堂蘭士劍潭諸君無不相見於此

潦倒青氈依飯鉢

余方掌教儀徵書院

淒涼丹旆話歸船

夢庵悼亡又失

一女府
載三喪
園林暫借堪留客却爲羈棲得靜便

嶺粵天邊霧雨昏
兵戈消息苦難論
旁皇古有隆中客
慷慨誰從帳下言
鶴到宵來因露警
花經秋老帶霜痕
期君蚤奮功名際
擔糞呼雞我閉門

偶與樂儀書院諸生譚菽因而自嘲

唱遍皇荂唱懊儂
誰從牛鐸問黃鍾
年來我亦村夫子
手把琵琶講蔡邕

次韻酬樂蓮裳孝廉

鈞見贈

獨鶴俛雞羣
自覺舉步高
女牀鸞一嘯
鵝鴨聲徒勞
我慚斥鷃遊
決搶豈能豪
逢君汗且僵
敢謂邀寵褒
題襟

盛文戰風雲起麾旄未能魯溝踰竊比清人遨擊蛇陣
首尾貫蝨功釐毫登壇客燕頷倒篋卷牛醫偶從憑軾
觀輒擬複壁逃文章萬流輩日月三重霄誰爲擔荷儒
傲睨絕續交一枝春秋筆兩字袞鉞操免教杜韓出概
視呼而曹君乘大鵬翮軒然破秋寥仙駒自歎玉肯綮
驚駘驕至味斟天漿醇矣棄其糟挽將銀河水化爲曲
江濤會看青芝集蓮裳集名接軌詩與騷此如樹珊瑚亦如
負山鰲須探蛟龍宮必非淵溪毛

附來作

臨川樂鈞元淑

松檜久奇鬱雲月相孤高友君一何晚十載心神勞

昔我滯京國觴詠羅賢豪曠論當世英紛紜雜譏褒
惟君愜衆望白日懸朱旌言君志絕學上與前哲遨
卓筆睨羣士微末如秋毫氣節又磊落傲骨橫在晉
公卿或下拜平視不目逃特立本儒行聲譽騰雲霄
前年渡揚子幸結金石交駭讀班韓作弱管不得操
韻語況雄奧徃徃無朋曹任筆兼沈詩在古常寥寥
珠璧重隋楚得一皆可驕時趨恒苦卑遺醴爭餽糟
涓滴附江海播越爲波濤賤子忘鄙劣抗念希風騷
若持五尺竿欲釣三山鰲曠蕩靡所得身事如牛毛

淵雅堂編年詩藁卷十六

淵雅堂編年詩彙卷十七

長洲王芑孫念豐

癸亥下

張敬業

緒增

屬題其先公芳貽

蘭

所寫林壑新秋

圖卷

秋空欲洗秋山出一夜新霜點蕭瑟朝來丹碧遍林扉
秋心先到幽人筆幽人不挂人間事坐對溪山領高致
收將空外十分秋灑作豪端萬重翠樵磴漁蹊幾折清
茆堂松屋路分明寫他華子岡頭勝寄我麻源谷外情
卽今讀畫仙心發健藥猶增與超忽水流山響一重重

仿彿疎窗墮殘葉始知能事在荆關鸞鶴襟期水墨間
不獨門前千樹橘傳家無恙畫中山

送賓谷入覲六十韻

當代鹽官重高歌至計陳十年勞秉軸九月動征輪科
第收英絕文章寄性真江淮風雨會財賦激昂身始自
樞曹出方承

詔獄新却從魚爛日遍使鳥鳴春庫紙牢封鑰詩筒召
幅巾曉吟哀澤雁秋稌詠湖蓴夢境迷閭闔懽塲列縉
紳醉扶牀玳瑁舞蹈毯麒麟也覺書囊富何嘗食餽珍
家無旋馬地門有羨魚人請事多田寶緘書到褚郇衆

流交毀譽孤掌獨嶙峋不少投林翼無非涸轍鱗通懷
關悱惻謹履卽經綸下上

唐虞際崎嶇戰鬪辰荏苒披窟宅餽餼接車轡輓給渠
寧歲纏聯動浹旬吳杭偏汎楚蜀棧遠逾秦應奉朝朝
亟徵輸一一均晉階酬卜式休養待馮遂故事綱臚引
兼資繡斧巡侵尋移少府職掌代中臣惆悵燈籠錦躋
蹠吉字銀錙銖憑權筦篋篋費精神臭豈薰猶共功難
燕雀馴矜雖懸角臥狸自豎毛瞋孰諒桓寬議寧知寇
準貧訓狐招屋背蝨蟻穴牆垠覆駕奔旁午枯槁揀苦
辛二分亭畔月一笑扇頭塵吾道隨軒輊茲生付屈伸

癥胝搜琬玕霜露洗松筠世智參桑孔心光照渭莘尙
留躬蹇蹇肯奪論斷斷公道森猶布艱貞世莫陘薦騰
章遽入報最

寵宜申蒼白鬚誠改丹青節未磷朝

天欽得路拔地契無鄰比說紅旗奏應聞白屋呻從來
鋤劇盜蘇息慰平民法立兵奚冗官清俗易淳偃戈加
浩蕩書笏備諮詢古亦憂鹽莢今誰握算緡一梟甘擲
雉萬竈困懸鶉打鴨驚難止驅雞化可循詎堪窮馬力
密與轉鴻鈞井渫防爲谷山源合導岷料量奇策畫獻
納此忱恂賤子羌何有逢君定夙因縱橫餘氣誼脫略

見交親贈答煩敲筆吹揚藉指囷借園容別館爭飲污
華裯取次花前賞居然席上賓遇仍殊出處志已貫亨
屯依倚忘淹久羈棲托隱淪分攜瞻

象闕追送及通津煙水移青翰星雲帶

紫宸朝賢如問訊爲述老漁輪

客有以夢竹圖求題者爲作二首

曾聞南海夢梅花月落參橫翠袖斜何似簀簞千萬个
華胥國裏子猷家

閭闔門多誤卻迴湘君引我踏蒼苔漆園浪作穿花蝶
此處無花飛不來

蒲褐老人生日五十韻

歲月丹青迴江湖白髮長
儒林開幹濟韜略貫文章
著錄兼

朝野傳經半

廟廊後生趨海嶽餘力冠旂常
賈董來科舉鄒枚列拜
颺追譚多曩輩甄頌自

先皇紅藥中書省緋魚政事堂
塊遭神驥蹶波爲徒鵬
揚裴度軍司馬吾邱漢侍郎地官釐象譯

天討下狼脰蠱氣遮山黑蠻烽隔箐黃
終年驅瘴癘寅
夜度瀾滄萬帳淋浪雨三更替戾岡仰攻
兵蟻傳橫截

路羊腸戲鼻飛書屢旄頭屬草忙中樞傳羽箭分部按
牙璋犴鳥迎人立騰蛇出穴僵烏蒙通阨塞阿瓦逼城
隍板楯奔摧朽金環痛負創

詔綸隨露布桐鼓奏雷礮南徼降纔受西師銳莫當就
移光弼壘旋問冉駝疆昔嶺鋒曾挫蓬婆警欲防寨形
便鼠竄礮勢劇蠱房礮火流星入營門偃月張渡瀘鳶
跼跼擒蔡雪洋洋士有銅頭額人穿鐵兩襠幾重超木
塹一色閃銀槍美諾妖巢覆烏圍狡窟藏澆螢俱迅掃
履虎鎮安詳將術資經訓豪端挺劒鉞汗青垂竹帛孔
翠耀冠裳玉壘徵歸馬珠弧指射狼獻俘吹畫角飲至

捧瓊觴積閤膺遷擢清卿職贊襄驍騰翻緩步中外卻
迴翔繡斧仍臨陝星楂或汎湘再登峰石女重記閣滕
王久矣孤弦直依然百鍊剛升階陪議切典獄播刑祥
先後操衡鑒蒐羅愜譽望身如雲傍

關心逐水還鄉請亟時雖暫明農願許償平泉花與木
盤谷壽而康懿古求平格方今孰老蒼專家齊伏勝故
事魯靈光猶抱神仙骨高歌翰墨場庶間陳

賜帙衣上賸邊霜元鶴寒彌健青松病不妨封詩憑遠
訊眠食儻增強

陳碩士編修

用光

索題瘦石圖

德有比於玉行有介如石爲玉與爲石天地一精魄所
同在堅貞誰能強分畫世目貴珉珉鼠璞價尺璧欻欻
歷落間真石豈易獲摸稜殊未宜攻錯諒有益君登崑
崙巔欬唾漱瓊液託意道家言碌碌稍溷迹光怪雖自
埋留得太古澤勿謂一拳多袖中東海碧

次韻答時帆見寄

媚骨天亦靳生平苦喙硬獨從文字緣得契交遊盛一
自別京華江湖漸衰病把君此夕書殘雪鐙窗映井泥
感升沉雲龍憶合并寄聲常弗嗣剪燭何時更世智益
難知斯文亟須振來者竟茫茫吾曹換顏鬢君雖在承

明金階滑難進我如打包僧持盃齋堂趁旅食借花看
家山隔江認賈賦痛憂生陶詩娛適性市門易爲姝寡
鶴不可聘無窮物外心銷以杯中聖區區覆瓿書千秋
聽嘲評

附 惕甫寄淵雅堂詩集至題詩奉寄

蒙古 法式善 時帆

渣滓除已盡字字出瘦硬匪緣讀書精安得行氣盛
憶昔芳草堂挑燈商競病深閨具魚菜酒醖寒星映
隔牆招二何硯農短李介顛張船山并但知笑言永詎
愁歲月更自君買棹歸吾道久不振江湖望白雲霜

雪改青鬢官程日已繁德業末由進尙幸郭外山扶
杖春墟趁七百二十寺僧納誰某認君臥梅花廬一
編寄情性日高猶未起柴門絕幣聘生平厚自期出
處希賢聖且留幾卷書遙待後人評

常州敬節堂桂樹旣華而實普濟堂牡丹冬月自
開甘泉訓導鄭君環求爲作詩二首

桂子

黃雪前時掃垂垂又滿林併留秋實在始見歲寒心略
比丁香結重參柏子吟蘭孫兼竹穉與爾共惜惜

牡丹

木本名從藥花王性亦薑不邀春雨露深閱地冰霜搖
落當時感風華晚歲光未妨歐蔡譜只莫進姚黃

甲子

五十自訟四首

四十而見惡五十果無聞自訟非不蚤及茲尙因循流
光不吾與忽爲無父身勞勞歲行役負米供偏親猶懷
潔華義謹廩到賣文微尙不可移坐此甘賤貧何時具
蔬水閉門樂餘春

兩弟旣先逝顧影成始衰昨往掃其墓種樹周四垂此
樹雖我種豈能待成圍三子一出繼可笑皆凡癡杜老

譽宗武李家驕裘師其後竟無傳况我罔穀詒百年諒
如寄慨彼命子詩

長嘯念古人倫紀亦罕全孤生果何幸結此良友緣出
處或偶殊急難每相先挈持兼道義非徒恤金錢推排
成晚晚白髮登我顛迴思諸同學亦復非少年報恩我
安在負負悲積愆

時命既參錯誤以文自名顛倒謗譽閒徒用銷臣精不
勝老大傷雕版翻自旌君旣未需覆吾且納之罌醉中
一撫髀後有知其情四方非吾志寇盜今已平逍遙江
海上自賀乃虛生

石叙民

同福

斷牆老樹圖卷二首

圖所寫乃京師極樂寺太清觀景物

我遊極樂寺未見所謂牆今從畫中觀卻似錦繡張莊
生憫溝斷犧尊起丹黃此惟不可朽始覺天者良失之
目睫間昔遊竟迷茫相士例若此石隱久心傷

我聞太清觀有樹老且樛臃腫誠不材根柢非衆侔
然久空中穴螳不可留寄生幾叢菊寫此一腹秋肺肝
出槎枒霜露豈汝憂諒無棟樑用迴首惜萬牛

凌茂才

壽祺

漁莊草堂二首

周北張南寄一塵傳家幾世舊青氈康莊多少通侯第
誰閱風花百廿年

風自敲扉月到檐秀才門逕也清嚴一株松樹高於屋
看我讀書蒼爾髯

陶鳬鄉茂才

梁

戴竹友上舍

延介

除夕遊山圖二

首

老夫攜屐慣天涯臘鼓冬冬始到家不信有人當此際
一瓢猶喫虎邱茶

孤雲野鶴本長閒三五比鄰足往還直自年頭到年尾
一年無日不看山

題鄉人鳳池園圖

雲寫當時色泉留昨夜聲依然風月在不盡古今情茶

荀從新賞鶯花識舊名圖經徵故事洛下記先成

題襟館同課擬劉隨州雜詩八首

幽琴

萬物苟不鳴雷公亦幽囚聖耳繼八音所以宣其幽聖者不可作琴心自長留泠泠七絃絃滿寫一壑秋

晚桃

彼穠華以春生命良獨幸如何晚蹉跎及是風雨猛物理感標梅人情妍嫁杏渺渺武陵源煙外收漁簪

秦鏡

鑒物徒以形善醜豈定評世人以鏡鏡秦鏡遂有名鏡

惟不留影所以無遯情何如夜潭月皎皎懸秋晴

古劍

把此一尺秋中有萬古魂鋒棱磨欲盡癢胝錯成痕薛
燭久已亡欲報亦無恩龍氣未可降夜嘯風雨昏

疲馬

一駕不容息日暮塗且長顧視後來者自命皆飛黃暫
從解鞍臥無奈烏啄瘡傷心異時市千金費昭王

舊井

漑釜取新汲汝今諒莫問年年秋雨塌莫句一瓢潤甘
者每先竭已往晤時運朗詠井泥篇義山豈青鬢

白鷺

飄蕭江海間孤耿不可下
鳬翁老風波汝乃旁觀者
倒著白接羅自忘容態野
何期譽西雍誤以風儀寫

寒釭

豈無光明燭不到貧女家
聊資四壁餘續此一絢麻
未少瞋行人束縕敢自嗟
彼哉綺羅子玉蟲綴燈花

趙渭川員外

希璜

宰安陽之日與亡友武虛谷作

安陽金石志獲漢碑四種於西門豹祠傍因爲訪

碑圖今以其圖示余爲作一詩

虛谷獲是碑嘗以書誇余兼寄所拓文癡牴半模糊辨

析以與字援證許與徐

碑有正直是以語虛谷來書舉古人以與二字互文通用其言

甚

辨自言獲非意片石珍璠璣訪之西門祠縣令趙與俱

趙君雖縣令其人勤著書此書恍如昨發書人遽徂今
茲却遇趙示我訪碑圖金石世一癖賢者未易除近來
尙考訂蒐獵更無餘此石幸莫覩著錄逃先儒二君旣
訪獲又復薈吾徒好錢金作埒好狗驅韓盧好馬市其
骨好酒頭亦濡好內訪西施好外嬖子都人生第有好
槎枒種根株書生惟墨食終歲衫袖烏溺人必自笑醯
雞甕中娛古今旦暮耳乾坤一蘧廬試觀疾所中與彼
果何殊亡羊等臧穀未足分賢愚虛谷旣往矣君亦白

髭鬚學道久嫌遲吾自甘空疎但期空所有慎勿實所
無

讀諸子十首

諸葛心書

上將在攻心先以心自治新建一書生立此心學幟本
諸諸葛公抱膝廬中意著書五十篇致遠卽明志今人
求將才古人論將器將器萬夫雄將才百夫寄情勢與
機形心空方可議反復五強篇曾非外仁義善敗有不
亡何況無敗事欲求將將方則古以爲智

列子

秦漢未言佛佛義具列子西極有化人默存意孰指夷
惠兩亡羊憲賜一敝屣子產果何功鄭國治偶耳行賢
去自賢道在柔而已所取樂生心樂處泯憂喜爲實肯
徇名卽我要非爾儒墨救世心我以救一已老莊見略
同而亦時有否楊朱書莫傳遺說倘在此

小荀子

諸荀豈皆龍因或失其親悅也退著書含意苦莫陳吾
嘗讀漢紀了不見異人今茲讀申鑒始覺言大醇旁皇
政體篇詩書味完淳其文亦雄似差勝無美新儒有遭
不遭萬古非一秦麥常不終夏花有不濟春土其如命

何扶義妄求伸好惡參相福茫茫世間身

鹿門子

以天下累已得官古所憂以已累天下官者今所求所以鹿門子醉隱常掉頭欲望華胥國時復登糟邱鵲鸞不常見舉世慕其遊鶯鳩世習熟捕之充俎差不耕曷爲食多文當持籌不位曷爲尊道光抵鳴騶然猶不免謗商量逃衆咻嗟哉志節士涉世悲末流

鬼谷子

盛神法五龍養志法靈龜欲識陰符經鬼谷以爲師今之陰符者所傳李荃辭其中了何有僞誤蓋無疑世人

愛其名注釋誤相隨而於捫闔篇篋櫝縈蛛絲聖陰必
愚陽執要在抵巇雖爲揣摩設亦見衰世思聖人乘六
龍潛躍各有時雷雨動滿盈守雌汝真雌

韓非子

法家本黃老善爲天下牝專氣以致柔戰勝取堅忍非
旣操其言何爲尙孤憤屈賈心至忠有激語悲緊所坐
一憤懣千秋兩覆軫非固非其徒言又直而盡八奸與
十惡擣撒就繩準當塗其不便誰能更汲引存韓力未
遑身名儵顛隕愚者有哀之巧者當時哂

潛夫論

國之有如男猶家有妬女吾讀賢難篇得是傷心語臨
朝歎無人執籥備庭舞進前且不御伐檀安足數志潔
位彌卑面柔仕乃臚宦成老於事唯阿固其所口懸進
善旌手持伐賢斧遂覺天下士原已無野處潛夫久潛
伏湛憂積腸腑牆角恤緯嫠一燈青夜雨

文中子

不仕故成業不動故无悔不雜學乃明不求乃莫懟通
豈隱者流義在直其內七世身不逢時命動違背傷哉
汾亭操風雨雞鳴晦人生天地間不進庶有退驚波無
恬鱗退亦心之瘳吾疑唐隱士託名爲問對聊復假于

通實以通自如何嘗詩書續豈有杜房輩

黃石公

六經言治國皆於治身始諸子言治兵不外治性耳黃石雖廣書簡切有條理惟其書後出醞釀轉醇美秘戒非陰謀丁寧詳視履莫苦於多願莫吉於知止莫短於苟得莫孤於自恃服念此數言可以修身俟吾衰怕言兵所據况故紙讀取兵家書默默歸治已

孫子

百戰惟孫吳其書講不戰孫吳戰百勝不以勝爲便三軍命在糧耗之久征繕貨殫兵必鈍抽箠士無箭全國

以爲上小喜誠勿戀兵財兩相權治賦見經傳如何後
來人兒戲揮羽扇暴師竟彌年尾賊作追餞三軍皆雨
立不襪張空券餘事足驚心昔賢工處變

讀周春田太守

鐸

過呂堰驛王巡檢祠堂詩感歎

而作

有序

始聽夫死事之明年鄉人牒有司引故廣西殉難
知府尹公明廷例請建專祠其編祭入學官租餘
又牒取學官成案由縣府以上中格於布政使司
司吏索賄數百貫謂之買款事旣不可而力亦未
能遂止維時先君子猶在訖先君歿余以祠祀之

興宜待子孫吏雖弄法非父兄所當申白故姑置
弗論比歲聞呂堰之民警動禍福立廟賽禳香火
甚盛適傳得淮安周太守前使黔時經過其廟所
作感憶前事因命聽夫所後子嘉福錄刊太守詩
並作此存集中私示子孫且冀他時或遇英斷士
夫有能不爲吏困者見之而有概於其心焉爾
招汝魂歸汝不知陰風猶自捲靈旗殘黎私作羅池廟
故土翻虛石室祠買道豈應從我手挂瓊終或見他時
對牀兩尙幢幢注腸斷周郎五字詩

臂痛自述四十韻

吾年始三十極意靈飛經靈飛千百本渤海具真形初
搗疑鬼工絲髮裊裊是時眼力強匪獨手挽靈夜窗
撫數紙一燈僅如螢其後年四十夢入鷗波亭遍求諸
家帖一一與追程李廣臂如猿誇誕屢自驚至是忽不
然抗我意猙獰每當抽掣處輒欲拒使令方信君謨喻
逆水困揚舲因之求峭拔歸本醴泉銘小參瘞鶴勢跌
宕示縱橫用力惟過猛兩指繭驟成手胼古有之吾其
封管城侵尋今五十中酒臥江垞指繭久脫去撫髀荒
筆耕呼燭寫門狀醉纈亂紅青客持卷軸來邀我相題
評中有鬱單文硬黃墨采呈俯仰褚法在盛唐晤儀型

靈飛與同源冥合無畦町前無著錄者斯緣遇匪輕遇之而不學何以謝茲生盲且不忘視聾有側耳聽五十遽斷慾昔士所不平矧此石田稅吾故收其贏吾臂非楸株甘讓螳螂撐吾臂非鴟炙弗食同覆羹結習斲撩撥矢注弦已抨忘命作窮追臨取兼晦暝嚮時指繭處債腫不可撓作痛到肩背捕熊感臣精旁觀問何苦不覺笑脫纓書誠小技耳肖出人性情醫者三折臂甘苦境屢更領解所從入外論頗徑庭往時夢樓老一語發其肩謂子唐經生汎濫雜元明此老又云亡悠悠徒自旌

眞州書院二課詩索同年邵芝樵廣文

光鈐和有序

先是寶應家少林太守嵩高爲山長植桃李於門
作書院種花詩以寄雲間山長海寧祝芷塘侍御
德麟余在雲間見之後二年余來繼席門前桃李
始能試華而君與芷塘之墓皆宿草矣今歲花開
徘徊其下偶憶前事因屬監院事邵君補種楊柳
其間又歲督院人薙草有常役遂作二詩邀邵君
同賦以貽此中爲故事

拔草

昔人來種花吾至第拔草種花餘嫵妍拔草去煩惱不

知朱伯厚奚似摸棱老世有蔣仲居蓬蒿牘空抱人人
周茂叔直待秋風掃未經滋蔓憂孰肯芟除早得除竟
須除勿問竈間媪試看庭戶清便覺萱蘭好

種柳

昔人先種花吾今更栽柳花好紅一春柳碧陰數畝時

有好風俱亦與流鶯受未攜柳枝伎聊學柳江守

子厚詩柳

州柳刺史種柳江邊

豈無榱桷材力蔽松柏壽循髮屢躊躇十

年計殊久矧此一盃緣挂塔乃其偶庶藉邵堯夫風流

遠貽後

附
和作

蕪湖
邵光鈐
芝樵

春風故無私寧擇花與草所慮蓬之心蒙茸增惡惱
操刀有必割刑家本黃老先生手生春披豁見懷抱
時令茅塞開一快清霜掃蘭艾豈同榮芳臭別之早
旣嚴非種鋤紛敷隨富媪殘夢在西堂池塘句彌好
拔草

桃李已盈門更植王恭柳市非槐百行陰比竹千畝
藏鴉誠未妨穴蟻豈容受曉風殘月間新鶯坐相守
君雖老青袍身有無量壽恐類漢南桓他日欷歔久
吾官傳舍耳斯緣遇非偶敢弗荷長鑣努力園丁後
種柳

羅浮蝶二首

有序

題襟館偶致羅浮蝶二失其雄遂并雌放之賓主
皆爲作詩余自真州還讀其詩未覩蝶也頃之蝶
飛至余櫺園誤投於池拯出僵矣灑灰以活之越
日遺子不得下脹僨羽化小子嘉福剪其翎以藏
而爲之空空焉余於是作拯蝶葬蝶二詩邀襟館
主客和之

拯蝶

觀蝶衆賓歡文章見公好放蝶主人仁愷悌神所勞蝶
何不自喜乘風返仙嶠栩栩此園池來逐蜂衙鬧欲爲

秦宮活翻作湘纍弔平生拯溺心遇汝初不料飼花始
未遑灑灰奏急效育子亦閔斯尾大苦難掉汝本夢中
緣憂樂互纏繞何況遽遽周託身仍井竈

葬蝶

汝旣祖烏足汝孕又不壻羈雌誠可憐況以難產逝拯
汝媿不終念汝文瓊麗聊復剪其翎風儀示沒世欲從
瘞鶴銘金石苦無例小兒強解事營葬刷苔砌此意近
於厚嬉戲我不制雖然豹皮留寧似龜尾曳方悟逍遙
遊已攝金剛偈莊屈兩同歸人天一揮涕

楞園海棠九月復華

小陽春豈豔陽時奈爾春心不自持紅燭照來仍窈窕
流鶯一去竟差池牆陰天與留樗散門外人多趁菊期
聊有芙蓉比顏色秋風江路晚相知

馮鷺廷編修

集梧

買屋洞庭又得王璫所畫林屋

山居圖卷卷後多康熙諸公題詠今以求題

君得山居林屋下又得林屋山居圖前賢結願苦未遂

君乃坐歎歎有餘圖尾聯踰覩題記斜行澹墨何蕭疎

康熙諸老盛文藻聲欬儼接王

漁洋

與朱

竹垞

續題數子今

視昔後視今又當何如草堂有英山有靈是卷未可題

無余吾家舊業此山下震澤先代傳遺書奉禮廳高僅

旋馬平泉莊冷空啼鳥雖無橘俸抵封邑尙留槐蔭遮
門閭壑舟園荒一畝地從君豈不堪樵漁嗟我何時決
歸去巷南屋北相招呼題詩聊作結鄰券息壤在彼言
非虛

韓文公畫像

獲麟擲筆筆遂亡戴筐有星寒不芒命公披髮下大荒
降此河洛天中央追取孔筆書天王氏之以韓授之唐
作唐一經雲漢光千載見公見文章凌煙褒鄂姿龍驤
侵尋晝到郭定褻飯顙山頭客風霜麻鞵老瘦經戰場
文武瑟縮隨班行未免寒乞難輝煌破空而起公獨當

瓊裾玉佩來蹌翔川嶽爲公驟軒昂山立揚休上巖廊
嘲訶僊佛皆荀揚驅救薄蝕完初暘未許籍湜鳴蜩蟬
覽揆無奈逢箕張橫遭流落非所量二鳥光榮饑鳳凰
送窮不去謗燄長雪中入蔡雨汎湘蟲蛇爭命鮫鱷鄉
非此那得公顏蒼貞元元和豈垂裳誰領中書握朝綱
幽燕不庭汾晉彊鹽法大亂邊弛防公雖慷慨一侍郎
畫師但貌公堂堂何不併寫憂國腸

書吳白广

照

黃山遊卷

看君詩筆兩超騰更躡天都最上層三十六峰峰勢好
收來筆底峭棱棱

爲黃籟園明府鶴題畫

樓閣僊人界華嚴佛子宮
棧雲晴更白溪樹晚能紅
絕境誰攜屐高歌此倚篷
幼輿邱壑趣畫裏一相逢